

نسخه سی ۱۰ غروشد

صاحبی، مدیری محری :



اسلامك نفعنه خادم مقالات
مع الت شكر قبول ونشراولونور
يازانك شخصيتي دكل، يازينك اهميتي
نظردقته آلتير .
كلن يازيلردن شايان قبول كورولنلر:
تاريخ ميراسيله : دج ايديلير .

عدد : ۲۸

محفصل

۱۳۴۸

علمی، ادبی، اجتماعی و شیمی

شهری مجموعہ در

۱۳۴۱ صفره مخصوص نسخه

اداره خانه سی : آق سرايده
ملا كوراني محله سنده مهتر
سوقا غنده ۳ نومرولو خانه

مرکز توزیعی :
باب عالی جاده سنده (اتحاد
تجارت) کتبخانه سی

آبونه بدلی :
سنه لکی ۱۲۰ غروش
آلتی آلتی ۶۰
اوج آلتی ۳۰

جلد : ۳

مذمرجات :

محفصل دینی و علمی : احتجاب و تستر شرعی — اسکاییلی عاطف اندی . سما — احمد نعیم بک . تورکک ابدی
محفصل ادبی : طفر تاریخلری — سعود بک ، شیخ رمزی افندی ، اجسان محوی بک ، طاهر المولوی .
ابوالفتح البستی نك برقصیده سی و منظوم ترجمه سی — دیاربکرلی سعید پاشا . غزل — محمد صادق
افندی . خولیا کونلری — عبدالباقی عزیز افندی . ایکی رباعی — طاهر المولوی .
محفصل تاریخی : ام عماره — طاهر المولوی . عثمان شمس افندی — حسین و صاف . بر ضیاع عظیم —
سعود المولوی بک . داود پاشا قیشله سی اوکنده اوق آتیشی — طاهر المولوی .

مرحوم مبرورك ارتحالنی بروجه آتی توریح

ایلم :

کوچدی اسعد اقدی و حیف
روحاه روحه الازکی
برجهان کمال ایدی مرحوم
جامع الفضل ، انور و اسنی
مفخریدی کرام اسلافک
چونکه خیر الخلف ایدی حقا
حسن ترتیل نظم قرأنده
فرد ایدی فرد او آیت کبری
علم دینده ، قنون شتاده
ذاتی اولمش ایدی امام هدی
سنی واصل اولوب ثمانینه
ایلمدی عزیم و صلت مولی
اوقو تاریخی تأثرله
ارتحال ایتدی اسعد علما

۱۳۴۱

قوری چشمه ۲۸ اغستوس ۱۳۳۸

محمد سهروردی

داوود پاشا قیشله سی اوکنده اوق آتیشی

کچن نسخه دن مابعد

تکیه نك شیخی ارتحال ایدرسه کانکشلر ایچندن
اک اسکی قبضه صاحبی شیخ الرماة اولورمش .
درکاهک شیخن ماعدا آلتی قوروجیسی ، آلتی
هواجیسی ، بروکیل خرجی ، برآشجیسی ، بردعاجیسی
برمولد خوانی وارمش ،

محرم الحرامنک ایکنجی کونی اقشامی مرغ روح
عزیزی اوتدن بری مشقاتی بولندنی عالم راز
و حقیقته شهر کشای ارتحال اولمشدر .

نعلش پاکی بکمزوده کی صیفه سندن استمبوطله
ایوبه نقل ایدیله رک حضرت خالد رضی اه عنه الواحد
جامع شریفنده جنازه نمازی شا کرد خاصی حافظ
توفیق اقدینک امامتیه ادا و وصیتی موجبجه
کاشغری درگاه شریفی جوارنده غنوده خالک غفران
اولان پدری قبرینه دفن اولندی . تشکر اولتورکه
جنازه سنده علمای عصرک اکثریله طلبه کرامنک
کافه سی و سائر طلبه علومک قسم کلیسی حاضر
بولندی . نوراہ تعالی مضجعہ

مرحومک ایکی نجل نجل صلیسی اولان
حافظ سعده و حافظ سعود بک اقدی برادرلر من
حفظ و قرائتده و علوم شتاده پدر اکرملرینک
شا کرد فضیلتیدرلر . ان شاء تعالی وارث کمالاتی ده
اولورلر . اولاد مضوییه سی اولوب الیوم برحیات
بولان طلبه کرامی تخمین عاجزانه مه کوره برقاج
یوزه بالغدر . طولاه اعمارهم

پدرم رضا صفوت بک مرحوم حکایه ایدر -
دی که حضرت استاد انای تدریسده احیاناً طلبه سندن
برینک کتابنه شویله برنظر سریع عطف ایدر ،
اکثریا ازبر اوله رق درس اوقودر ایمش . حتی
بیک اوچ یوزالتی سه سی ایچنده ایاصوفیه جوارنده
ترشیجی دکانی فوقنده کی خانه ده پدرم ایله دیگر
برقاج ذاته خصوصی اوله رق اوقوتمش اولدینی
اصول فقهدن « مرآت » مجله سنی بو صورتله ، یعنی
ازبر اوله رق تقریر و اکمال ایتدیکنی ینه پدرم
مرحوم کمال حیرتله سویلردی . بودرس قرائتی
عالمربنی نامق الحروف حقیراوطه قیوسی آراغندن
تماشا ایتدیکنی بوکون تخطیرله متأثرم . « اونه
طالمر ایدی آه نه خوش دملر ایدی »

بونلردن (هواچی باشی) برات صاحبی اولوب
دیگر لرینی شیخ تعین ایدرمش . مولد شریف ده
قپودان دریا کوچوک حسین پاشانک وقفی ایش که
تکیه نك قاپانه جنی کون اوقونورمش .

*

**

شوناچیز یازیلری اوقویانلر آراسنده یاییلان
آیشی ده، اوزون اوزادی به اونی یازیشی ده احتمال
خوش کورمه یانلر، بلکه بویله بر تشبی بی فائده
تلقی ایله یانلر بولونمشدر .

اوکیله قارشی جواب اولمق اوزره بوندن
اون سنه اول سیل الرشاد مجموعه سنه یازدیغ
(اعداد قوت) عنوانی مقاله نك بر قسمی شورایه
نقل ایدیورم :

« زمانمزه تقویه بدن ایچین (سپور) یاخود
(ادمان) ك لزومی واردر . دییه یوردلر، او جاقلر
آچیلدی . اوروبانك بیلمم نره سنده چیقان
لاستیکلرله بول بول طوب اوینانیور . عجیب الشکل
سرپوشلر کیلوب ، طویل القامه صوبالریا قالا نیور،
اوزون اوزون کزینتیلر یاییلیور... اتك طولوسی
پاره لر صرفیه سپور البسه سی تدارکنه، ژیمناستیک
محللری انشاسنه قالدیشیلیور . نتیجه لری ایسه الله
اعلم پاره صرفیه یورغونلق قازانچندن عبارت قالیور .
بو او جاقلرده کی اشتغالات طفلانه ، کونده لکه
قوللانیلما سده آرا ده صیراده - اجدادیمزك تقویه
بدنه خدمت ایتدیکی کبی هم حضرده ، هم سفرده
ایشلرینه یارایان - جرید ، لوبود ، قیلچ ، قالقان ،
اوق ، یای تعلیملری یاییلسه (کچه یه قیلچ چالمق)
(دستی به قورشون آتمق) ادمانلری اجرا ایدیلسه
ادمانچیلر من ساده طوب آتماسنی دکل ، هم آییچیلنی
هم او ووجیلنی ، هم کسیجیلکی اوکره نمش ،
بونکله برابر تقویه بدنه ده خدمت ایتش اولماز لر می ؟
عنعنات اسلافی محافظه ایله مک شرفی ده جابا ! سیاح

شهر عبدالرشید ابراهیم اقدی ، ژاپونیانك هر
کوبنده اوق ، یای تعلیمخانه سی بولوندیغنی بونلرک
اوکندن کچن هر ژاپونك اوراده مطلقا بر اوق
آتمقده اولدیغنی (عالم اسلام) نده یازیور . ژاپون
اوردوسی ، اوق ویای ایله مجهز دکل ایکن قوجه
ملت اجدادینك غنجه سنی ترك ایتک ایسته میور .
عجبا بزم درجه ترقیمزه واصل اولامادیلر ده اونك
ایچینمی ؟

استانبول فتحنده فاتحک چادر قوردوردیغنی ،
صوکراده (میدان تیراندازان) اولمق اوزره وقف
ایتدیگی بر (اوق میدانی) وار .

فاتحن صوکرکی پادشاهلرده اورایه کیتمشلر ،
اوق آتمشلر ، ادمان یایمشلر ، حتی اوراده برتکیه
بنا ایتمشلر ، وقفلر تخصیص ایله مشلر . یاقین
زمانلره قدر بوتکیه آچیلیر و جوارنده کانکشلر
طرفندن اوق ادمانلری یاییلیدی . خاقان سابق
(اسبق) زماننده بو اصول لغو ایدیلوب تکیه
قاپاندی . مع الا - ف دور جلیل مشروطیتده ده
احیا وادامه سی دوشونوله دی . موسم کشادجولوب
ایتدکجه زواللی درکاهک درو دیواری :

کشاد غنجه دل قالدی بر بهاره دخی

دییه فریاد ایدوب طورویور . بلکه بوندای
استرحام اوقاف هایون ناظر فعالک کوش دقته
واصل اولورده اوده او حال متروکتدن قورتولور
وبعض اصلاحات ایله بر تمرینات قدیمه مشقخانه سی
انخاد ایدیلیر .

شو یازیلر ، تمام اون سنه اول یازیلشده .
اووقت ایسه کانکشلر تکیه سی یا نماش و میدانی
سبزه بوستانلری اولماشدی !

ظاهر المولوی

مطبعة عامره مدیر مسؤولی : ظاهر المولوی